



101

H. XIII. II.

Liber
Novo Tacin.
937/II.

DE PANE EJVSQVE NATVRA

Exercitatio III.

De contrarijs & divisionibus Panis.

THESIS XXXX.

Inter Contraria Panis *mucor & mucositas* t. 39. *relata sunt.*
De his ulterius *quaritur* 2. Cur panis, licet verustate mu-
cescat, indurari tamen in modum lapidis queat? *Quid*
panis lapidosus per tropum notet. th 29. *sactum.* Hic de pane
citra tropum lapidescentie *quaritur.* Ejus exempla Autoribus
sunt annotata. Crassorus in l. 4. Meteor. Arist. panem cum
incluso pisce percoctum, diuq; terrâ obiectum, postea inventum
esse lapideum narrat. In Museo Calceolariano Veronensi duos
panes lapidosos, miliaceum & secaleum, servari nota Ren.
Moreau in Salernit. f. 2. c. 17. Qui adeo veros panes referant,
ut ignarum vulgus facile decipiant. In Monasterio Olivensi in
viciniâ Urbis nostræ lapidem in templo ostendunt, qui ex pane
versus sit. quod mendicus pauperi panem rogati dare recusavit, &
se lapidem tantum ad abigendos canes in perâ habere causatus
sit. V. Henneberg. hist. Pruss. p. 339. Parieti inclusus iste la-
pis adhuc hodie per vitrum ostenditur. Mulier quaedam Mace-
doniana haresios panem consecratum à Chrysostomo quasi eam
manducatura accepit, sed ancille eum asservandum tra-
dens profanum loco Eucharistici manducavit, qui continuo in
lapidem conversus est. Sozomenus l. 8. h. c. 5. Nicephor. lib.
13. c. 7. Hæc ultima si vera, miraculo divino adscribenda sũt. Cæ-
terorum causa est, vel quia panis terrâ obrutus succum quendâ
lapidescentem à terrâ imbibit, cujus beneficiu in lapidem abit:
vel frigore terræ velut cõgelatus induratur: Vel lapis in mate-
riam similem analogam velut formam inducere potest: Vel pe-

culiari terra natura panem obruentis id adscribendum, qua interdum res in lapides convertere potest, quomodo limpidas quasdam aquas in lapides concreescere. & injecta sibi in eosdem convertere scimus: Vel simulacra & imagines lapidum isti panes sunt, non genuini lapides, & natura in illorum lustris imagine, ut & in aliorum operum solet, ut Metallica res inprimis testatur, ubi penè omnium rerum imagines adumbratas videmus. In sacris velut opposita ponuntur, panis & lapis, quasi admodum inconsistentia, ut Matt. 4. v. 3 Luc. 11. v. 11. Ratio si queratur, est, quod lapis ad nutriendum prorsus inhabilis, panis autem vi multum nutriente est praeclitus, c. 17. Quidam allegoricè diabolum panes lapidosos offerre ajunt, non ut nutriat, sed ut magis noceat: panes offerre, ut lapides, delicias mundanas, ut percutiat: Nec unâ manu panem ostendere, alterâ lapidem, ut proverbium habet: sed simul cum pane lapidem miscere, ut non tam pasciat, quàm perimat. Lapide insensibilitorem esse, qui lapideo hostis pane, j. e. lapidosi mundi illecebris decipi se ac falli patiatur. Conf. in hunc sensum Novarinum l. 1. elect. sacr. c. 4. n. 266.

41. Quae materiam panis, frumentum, corrumpunt, vel homines esse possunt, quomodo Simson Philistaeorum segetes incendit, Iudic. 15. v. 5. Alij aliorum segetib. damnum intulerunt, aut fruges jam collectas dissiparunt, quorum exempla ap. Zuingerum Vol. 5. l. 3. vide. Ita Princeps aliquis Palatinus hostibus captis panes negavit, quod miles eorum fruges & segetes perdidisset. V. Manli. p. 272. Collecta. Vel bruta, ut mures, glires, locustae, à quibus ingens damnum interdum frumentis illatum est. Exempla Idem vol. 18. l. 2. habet. Sic locustae Aegyptiae ingens frumentis damnum intulerunt. Exo. 10. v. 14. 15. Vel aeris intemperies, fruges valide interdum corrumpens, & consequenter panis ac annona carisatem inferens. Exempla Zuin-

Zuinger. c. l. & Serarius in c. 10. Josu. q. 11. habent. Qui panem horruerunt, aut eo non usi sunt, illi sunt, qui naturali & occultâ antipathiâ panem ferre aut edere nequiverunt. Ut virgo quadam Chaunis in Piccardiâ 16. annorum fuit, quæ panis odorem ferre nequiss. Solo lacte victitavit. & ubi vel micam panis lacti injectam sensit, horruit, & ex longinquo per odorem id noscere potuit. Brüjerinus l. 2. d. cibis c. 6. Idem l. 1. c. 24. rusticum se in Normandiâ vidisse refert, qui nec carnes, nec panes, aut pisces, unquam comederit, sed solus ovium vixerit, undè à vulgo mussela dictus, quod id animal ovorum avidissimum sit. Abrahamus Carrarum Pontifex toto Episcopatus tempore nec panem, nec legumina, nec olera, quæ igni appropinquassent, comedit, nec aquam bibit. sed lactucas, intyba, apia, & similia pro cibo & potu habuit, coquorum & pistorum artes ostendens supervacuas, narrante Theodoretō in hist. S. Patrum T. 2. mihip. 513. Pambo Abbas ex eo tempore, quo monasterium ingressus est, nec panem se comedis, nec quidquam, cuius se prænteretur, dixisse moribundus confessus est. Albertinus tract. de convivij, §. 1.

42. Qui pane abusi sunt, illi esse possunt, qui eo vel ad beneficia sunt usi, quod zauberbrodt/ bngesehene & bnsichtbare Brodt vocant, & apud Magorum ac lamiarum praeceptos usitatus est: Quanquam satis distinctè negotium de hoc pane cognosci vix potest, cum occultissimè & pro præcipuo quoddam artificio magi cum asservent. Apud Romanos Aul. Cluentius à T. Attico Pisarense accusatus est, quod Oppianicum vitricum veneno in pane dato sustulisset. Quod Cicero pro improbabili, novo, & prorsus incredibili habet, Orat. pr. Cluent. §. 173. dicens: iam verò illud, quàm non probabile, quàm inusitatum, quàm novum, In pane datum venenum? Facilius ne potuit, quàm in poculo? Latentius potuit, abditum aliquà in

parte panis, quàm si totum colliquefactum in porione esset? Celerius potuit comesum, quàm epotum in venas atq. in omnes partes corporis permanare? Facilius fallere in pane, si esset animadversum, quàm in poculo, cum ita confusum esset, ut secerni nullo modo posset? Vel qui ad fures explorandos eò abutuntur. V. g. 28. Vel contemptim & Epicureo modo eum usurpant, nec orantes super eo accipiendo, nec de accepto gratias agentes, ut Athei, Epicurei, Impij, & contemptores rerum divinarum solent. De quib. rectè dicitur: Ad mensam residens & cibo non benedicens; Hic residet ut fuscus, & surgit ut alter asellus: Vel qui pani cubito incumbant, quod pudendum Siracides C. 41. v. 24. ait, Vereq. rusticum & incivile, ingens irreverentia in Deum, superbia, gulositas & contemptus in creaturam est signum, quomodo porci siliquis, & boves pascuis incubare solent. Alij allegoricè magis, quàm propriè, id exponunt, ut Palacius, Rabanus, Lyranus, alijsq. Sed proprius sensus est convententior: Vel qui idolis & fictitijs numinibus proventum aut copiam ejus assignant, ut impij Iudæi, Ierem. 44. v. 17. Hose. 2. v. 5. Et gentiles, qui varijs fictitijs Dijs inventionem ejus tribuebant, V. d. i. r. 13. Vel ad nefanda sacrificia eo utuntur, quomodo Opis ha. s. serpētini serpēti, quē colebant, eò quod ipse pomum vetitum suggerendo principium cognitionis boni & mali primis parentibus fuisset, panem offerebant, & serpens incantamentis occupatus de speluncā altari vicinā egrediebatur, aramq. conscendens panem eorum lambebat, & se circa oblationes devolvens iterum ad speluncam regrediebatur. Quo peracto oblationes in Eucharistiam confringebant, quasi à serpente Christo, ut illi putant, sanctificatas. Vt Epiphanius hær. 37. Et Lutzemburg. in Cat. hær. de Ophis narrat. Putaturq. isle serpentis cultus à Nicolaitis, quorum Apocal. 2. v. 6. 15. mētio, ad eos deductus, ut Lutzemburg. c. 1. addit.

43. Similiter & huc illi pertinent, qui ad luxum, munda-
nam nequitiam & simile quid pane abutuntur. Sic Romani olim
faciem pane madido liniebant, ut levigarent eam. Sueton. in
Oton. §. 12. Faciem quotidie rasitare, ac pane madido linere
consuetum: idq; instituisse à primâ lanugine, ne barbatus un-
quam esset. Juvenal. sat. 2. v. 104. seq. de hoc ipso Othone lo-
quens: Et curare cutem summi constantia civis. Et pressum
in faciem digitis extendere panem. Quod nec in Assyrio pha-
retrata Semiramis orbe. Mastia nec Aethiâ fecit Cleopatra ca-
rinâ. Sat. 6. v. 462. Interea fœda aspectu ridendaq; multo Pane
tumes facies. Et illum quidem lacte asinino macerasse v. 469.
notat. Juvenal. Incipit agnoscere, atq; illo lacte fovetur. pro-
pter quod secum comites educit afellas. Exul hyperbore-
reum si dimittatur ad axem. Sed quæ mutatis inducitur
atq; fouetur tot medicaminib; coctaq; filiginis offas acci-
pit & madida, facies dicatur an ulcus? Ferunt enim lac asini-
num teneram, erugetam, candidam, reddere & servare cutem.
Quare Poppæa Neronis uxor, ad quam alludit, in exilium missa
500. asinas secum ad cosmeticen & emendandam faciem du-
xit. Plin. l. 11. c. 41. & l. 28. c. 12. Et candidi panis è filigine,
fabâ aut oryzâ coctis, lacteq; asinino macerati offa ad politiem
faciei facere similiter creditur. Item qui panem in oblectamen-
tum sibi projiciunt, vel ultra modum eum sumere alios cogunt,
ut morbos mortemve inde sumentibus concilient, quod furys
militaribus per hodiernas civiles discordias usurpatum tragica
seculi docuit experientia: Aut alias indebito modo panes tra-
ctant, Aut ad incompetentes fines adhibent. Sic Episcopus Mo-
guntinus quosdam Cœnâ sub utraq; specie usos in carceratos fame
necare voluit: Et procul panem & vinum ostendi jussit, cum
verbis additis, Accipite, comedite: accipite, bibite. Manlius
Collect. p. 89. Ita Muscos quosdam Regis Sigismundi.

cum in Sueciam venisset, à militibus Caroli truncatū manibus mari injectos Trisarolus in refut: Orat. Scytten. p. 125. tradit, quib. panis in os datus, adjecto convivio, ut quia piscatoriā religione uterentur, de piscium captura obsonarent. Clemens V. Papa Francisco Dandalo Venetorum Duci sub mensā velut cani delecto panes & cibos superbè projecit. Sabellic. dec. 2. l. 1. Parthorum Rex in lectulo discumbens convivis in terrā sedentibus, penes cibosq. ut canibus projcit, quod xuxi ^{ἡ δὲ} caninè cibari est. Alsted. 3. Ech. c. 25. Et quæ hujus generis esse plura queunt.

44. Ad pane abutentes & illi persinere queant, qui varijs commentis de pane fictis tanquā veris, hominibus illudunt. Qualia apud Rabbinos complura. Ita de tribus Rabbis 12. annis in speluncā occultatis fingunt, quòd fame conflictantibus DEUS arborem eduxerit, panem S. Ioannis, ut vocant, ferentem, & aqua scaturigenam prorumpere fecerit, referente D. Heluico in legend. Jud. p. 1. c. 11. De Rab. Chaninā fingunt, quòd corvo & cani itinere de fame querentibus panis frustra suppeditarit, Cuicorū in gratitudinē aquam ex inferno & paradiso ad postulatam Regina cujusdam suppeditaverit, & canis anulum ex aprī corpore extraxerit, apro in frustra dilacerato. Idem c. 15. De filio sancti alicujus fabulantur, quòd panem piscibus quotidie projicere jussus tandem à Leviathan devoratus iterumq. ejectus & cognitione 70. linguarū instructus fuerit, quā garrulam aviū intelligens à cornice de ingenti thesauro abscondito edoctus divissimum in hominem evaserit. Id. c. 23. De R. Hunā narrant, quòd placentiam carceris figurā coquens in eāq. se abdens pluviā à DEO impetrarit, cujus gutta orificium vasis vinarij quantitate equarint, & mensuram aqua singula continuerint. Id. p. 2. c. 21. Quamquam subtiliores Rabbini pro placentiā circulum interpretantur. Significās. Hebraum ^{אין} circulum & am-
bitum

bitum, quomodo intra circulum consistens orarit, quod & de
Mose & Habacuco narrat, quod DEum pro populo cranies cir-
culo se incluserint. Quod & magis solenne esse novimus, cum
spiritus adjurare, alia vè magica patrare volunt. De R. Chelkiâ
referunt, quod filijs panem distribuens majori unum, minori duo
frusta assignarit. Causam rogatus, maiorem domi quotidie
esse, ideoq; cibum sibi, quantum luberet, sumere posse, minorem
in ludo literario vivere, eog; maiorem partem ipsi suppedi-
tandam responderit. Id. c. 29. De Sodomitis narrat, prater alia
scelera & hoc apud eos usquisse, quod mendicis nemo panem,
sed moneram nomine suo insignitam erogarit. Mendico a, ine-
diâ extincto quilibet accesserit, suamq; moneram iterum ab-
stulerit. Mulierem aliquando panis aliquis mendico erogasse.
Quo cognito reliquos denudatam illam melle totam inunxisse,
ac soli exposuisse, donec apum aculeis puncta expirarit. Id. c. 35.
Apud Ezechielem c. 16. v. 49. inter peccata Sodoma recen-
setur, quod egeno non auxilium prastiterint, manumq; paupe-
ris non confirmarint. An hoc modo id prastitum, ambiguum
est. Inhospitalis ipso fuisse ex Gen. 19. v. 2. 5. 9. patere potest.

Auctaria.

Ad t. 17. p. 25. hujus sectionis hac addi possunt. Vniversalis
etiam panis est, quia omnia membra simul ille alit, cum
reliqui cibi ferme particularibus membris sint accommodi, nu-
numq; melius & commodius, quàm alterum nutrant. In fra-
cto panis nutrimentum omnium membrorum simul est, &
vritus ejus universo corpori ejusq; partibus restaurandis con-
veniens est. Conf. Tren. 2. v. 12.

Ad t. 28. De temperanter assumendo pane Senecam l. i. ep.
123. vide:

Hæc de Pane in genere cum DEO
pro sectione priore discepta-
ta sunt.

DE PANE eiusq; Naturâ

SECTIO POSTERIOR.

Varia Panum genera recensens.

THESIS I.

Philosopho assignatum olim à Stoicis, non quæ ante pedes & in terrâ solum, speculari: sed & velut ijs non contentum animum ultrâ porrigere, ac ad DEum & divina proferre, & quæ circa illa sunt, meditari. Idem hodieq; in Philosophiâ observari apertum est. Pars ejus ad DEum Spiritusq; meditata incendit, nec oculis contenta majus quiddam palcriusq; suspicatur, quod extra conspectû Naturæ posuerit. Sed in his solus operæ non collocâd, & cœlestia specularanda, relictis aut despicatui habitis, quæ ante oculos pedeq; sunt. Secus non injuste risum ancille cum Thalete mereamur aut illud Socratis occentum audiamus: Nequando de cœlo descendisti, ut illa videris? Etiâ illa cogitatus & disussionib; perlustranda, quæ in terrâ miranda observamus, aut disussu digna. Nec inferior hac à miraculo cessat aut abhorret Natura. Panis solus exemplum fit, mirabile ac communissimum homini alimentum. Vedit præcedens sectio miracula ac usus quotidiani & utilissimi nobis obsonij. Ejus naturam vestigare nec minus necesse est, ac cali plagas lustrare; nec minus utilitatis aut jucunditatis junctum habet. Iam porro animum in multas variasq; panum variationes & modos intendamus, & mirabiles panum varietates cum DEO perlustremus.

2. Cum panis nomine communissimè varia admodum ciborum genera notemus, quorum quadam improprie panes appellantur, cum sub nominis communione diversam planè ab pane habeant naturam: quadam proprie & magis pressò significato: Et univèrsam illud genus amplâ quadam divisione, quæ

si non

si non
plectam
mum in
ctus eri
teria est
animal
Improp
men pan
3. li
general
analog
reus, q
prorsu
singula
opere h
Hraclit
cum ad
hoc pan
nium
sat sper
Sic Chr
Quia ci
Ioh. 6.
pud Phy
dum m
Sic ap. E
in ihus
rius ali
celitus
Hoc m
16. v. 15

si non rei ipsius, saltem nominis in re sit distinctio, *complectamur, in ansecessum velut panem communissimè dividendum in propriè & impropriè dictum. Panis propriè dictus erit, qui materiam & formam veri panis habeat. Materia est farina ac aqua: forma, masticabilis ad nutricandum animal consistentia. Prouit hac ex precedenti sec. 1. 10. patens. Impropriè dictus, qui illa non habet, sed aliud quid, aut nomen panis ex analogiâ vel homonymiâ obtinet.*

3. Impropriè dictum panem primò lustrabimus, ejusq; generalem velut divisionem pralibabimus. Impropius sive analogicus panis vel corporeus, vel spiritualis est. Corporeus, qui massâ & substantiâ corporeâ est pradius. Hic vel prorsus singularis & extraordinarius, vel quodammodò singularis esse potest. Prorsus extraordinarius, qui nullâ vi opeve humanâ est introductus, sed divinâ. Talis fuit manna Israëlitarum in deserto, quem panis nomine vel absolutè, vel cum additamento in Sacris venire lect. 1. t. 3. notatum. De hoc pane quædam in nomine, quædam in re notanda veniunt. In nomine, 1. Homonymia. Vox manna interdum notat spirituales quendam rem, analogiâ manna respondentem. Sic Christus vocatur manna absconditum. Apoc. 2. v. 17. Quia cibus spiritualis ad vitam æternam fideles enutritiens est. Ioh. 6. v. 48. 49. seq. Interdum roris certum genus. Sic apud Physicos & Pharmacopæos manna Calabrina dicitur. Interdum micæ thuris è guttis majoribus vectura concussione elisas. Sic ap. Plinium l. 12. c. 14. Et antiqui Medicis thuris substantia in thuris corticem ejus, & manna, divisa fuit, quod pollinem thuris alij dixerunt. Interdum cibum Israëlitarum per 40. annos cælitus subministratum. Ita in Exodo passim. V. lect. 1. t. 3. Hoc modo hic sumitur. 2. Etymologia. Illa explicatur Exod. 16. v. 15. 31. Videntes Iudæi, quid extra castra è nubibus descen-

Sacram. c. 17. Qui Chrysostomum & Theophylactum in
 1. Cor. 10. id ducentes allegat. Cui acriter se Chamier oppo-
 nit l. 2. d. Sacram. c. 2. §. 11. seq. & nec Chrysost. ani The-
 phylactum id dicere cōsēdit, sed potius Ambros. Anshelmū.
 Athanas. Sedulium. Haymonem Halberstatensem. Lyra-
 num, Lombardum: Nec si dicant, continuo certum fore.
 Potius ratione spiritualis significationis & effectus in Iudais sic
 dicti ass. quod in manna ipsum Christum spiritualiter comede-
 rint credentes Iudai, perinde ut nos in Eucharistiā, & sic cibus
 potusq. spiritualis manna & aqua propter Christum fuerint,
 quem significarint. In Sacramento non attendi, quid sint: sed
 quid significant: Nec Christus aliter cibis aut potus sit, quam
 spiritualiter, ne in Cœnā quidem. Et cum spiritualis signi-
 ficatio effectum sit Sacramentorum, idem sit dicere, cibum
 potumq. spiritualem vocari ob significationem, & ob effectum.

4. In hac Authorum diversitate, quædam contra Papiſtas
 sonedi possunt, Vt, efficaciam spiritualem remissionis peccato-
 rum eandem in Sacramentis V. T. fuisse, qua in nostris, quod
 Papiſta aliàs negans: Iudæos non nisi spirituali esu potusq. Chri-
 sti salvari potuisse, ut & nos: Mannam & aquam spiritualia di-
 ci, quod spiritualiter Christum figurarint, ejusq. mystici typi fu-
 erint. Sed tamen quædam meris hypothesibus nituntur, Vt
 Iudæos eandem escam spiritualem nobiscum comediſſe, quod nec
 dicit 1. Cor. 10. Apostolus, sed inter se eandem comediſſe ass.
 Nec si diceret, statim nostra Sacramenta eum Veteribus eadem
 constare substantiā sequeretur, ut inde non aliter nobis in Cœ-
 na, quam illis Christum præsentem diceret. Illorum n. spiritu-
 alis cibis in typo, umbrā, & futuri, nondum realiter præsentis
 ac constituti figuratiōe fuit: Noster in antitypo, corpore, substā-
 tia, & realiter præsentis ac jam constituti exhibitione. Spiritu-
 alis illorum cibis fuit, quia spiritualis cibi typus: Noster, quia

ipsa mystica & spiritualis substantia est. Nobis ut in carne jate
 exhibitus & realiter in substantiâ præsens: Illis ut futurus, ex-
 hibendus, expectandus, & intentionaliter in typis & figuris,
 manna, aqua, aspiciendus & percipiendus, non in ipsa substan-
 tiâ & corpore comedendus exhibebatur, cum nondum illa tum
 assumpta, sed suo tempore assumenda. Comederunt carnem
 Christi, sed spiritualiter in typo manna significatam: Nos sub-
 stantialiter in corpore jam exhibitam. Ipsorum n. gesta typi
 nostrorum fuerunt, v. 6. At typos rerum & antitypos, umbras
 & corpora, figuras & soliditates ac exhibitiones, ejusdem sub-
 stantia dicere accuratus loquendi modus non permittit. Cum
 autem de Sacramentorum substantiâ traditur, exhibitiones
 illas omnino implicare oportet, si eandem illi substantiam as-
 signare velis. At exhibitiones in Sacramento V. T. & nostris
 diversissima & opposita sunt. In illis res ipsa absens, nobis præ-
 sens: in illis, ut futura, nobis, ut exhibitâ, illi sub umbra & ima-
 gine, nobis substantiâ & veritate adest. Et typicam illam come-
 stionem & bibitionem Apostolus insinuat, cum de petrâ eos bi-
 bisse, non absolutè ipsam petram dicit, & in multis DEO displic-
 uisse tradit, quod de verâ spirituali Christi perceptione non dicē-
 dum, quæ semper salutaris, Joh. 6. v. 53. 54. Vt alibi plenius dis-
 ceptatur. Deinde & effectum Sacramentorum esse spiritualem
 significationem, falsum est. Collatio potius & obsignatio gratiæ
 Evangelica est: Significatio tantum adjunctum aliquod. Et
 jam id vix solitum, ob effectum & significationem spiritu-
 alem sic dici, non causam. Subordinata enim hæc, & utraq;
 conjungi possunt, ut & Patres ac Scholastici quidam sermè con-
 jungunt. A Christo dabatur manna & aqua, tanquam à pe-
 trâ comitante. 1. Cor. 10. v. 4. & ab hac sub typo aqua bibe-
 runt, & sic spirituales potum biberunt.

5. In re hujus panis quedam absolutè, quedam compara-
 tè,

re observari poterunt. Absolutè Definitio, causa, & affectio-
 nes. Definiri potest manna, panis improprius supernatu-
 ralis, peculiariter à DEO formatus, rotundus & dulcissi-
 mus, in nutrimentum Israëlitarum per peregrinationis
 in deserto tempus miraculosè subministratus. Dicitur
 panis, quia Israëlitis tempore peregrinationis loco panis daba-
 tur, eosq; pro illo tantisper nutrire debebat, donec ad terram
 Canaan pervenirent. Improprius, quia materiâ & formâ pro-
 prij panis, farina & coctione mastigabili caruit. proq; illis aliis
 corporis & forma analogiam habuit. V. t. 6. Unde negantur
 Israëlita pane, proprio nempe & communi, cibati esse per tem-
 pus peregrinationis suæ; Deut. 29. v. 6. Et manna panis per a-
 nalogiam dicitur. Quod n. in pane proprio farina & consi-
 stentia coctura est: id in hoc materia incognita & figura con-
 sistens rotunda, alba & minuta. t. 6. Supernaturalis, quia
 non vi natura elaborabatur, ut ros aut manna matutinum in
 Syriâ, Poloniâ, Calabriâ, Hispania quibusdam partibus, alijsq;
 regionibus, quod mel ærium & roscidum vocatur, unde colli-
 gitur cibus, quem apud nos ex Poloniâ advectum Schwaden
 vocamus. De Syria mannâ ad montem Libanum Galenus lib.
 6. d. alim. De Polonico Co. à. Lapide in Exod. 16. v. 21. vi-
 deantur. Vallesius c. 57. fac. Phil. manna Hebræorum idem
 cum hodierno, quod ad usus Medicos colligitur, fuisse putat, quod
 eadem cum hodierno ejus describatur generatio. Exod. 16. v.
 14. Num. 11. v. 9. Et quod vim purgandi laxandiq; corpus ob-
 tinuerit. Num. 21. v. 6. Sed diversitas ex multis apparet.
 Manna Israëliticum per totum desertum, & ubi Israëlita mo-
 rabantur, fustum est. Hodiernum tantum in quibusdam Syria
 locus, ut Libano, colligitur: Hoc per certa tempora defluit, vel
 in Martio & Aprili, ut in Syriâ, vel in Junio & Julio, ut in Po-
 lonia: Sed Israëliticum per totum annum quotidie delapsum est.

Illud molle est, lingua impositum liquefit, ad solem non liquefit, nec noctu putrescit. Hoc durum fuit, ut molâ & pistillo ad parandas placentulas comminui oportuerit. Illud exigua copiâ decedit, ut non aliquot millibus hominum alendus sufficias: Hoc tantâ copiâ delapsus, ut 600000. homines eo alii potuerint. Illud non alit, nec sanguinem bonum gignit, aut nutrimentum saturitatis prebet, sed medicamentis miscetur, & laxandi vi praeditum est. Hoc aluit sufficienter, & laudabile nutrimentum suppeditavit. Illud naturale est, vi natura usitatoq. modo genitum: Hoc infinitam DEI sapientiam magis illustrat, & solius natura viribus non suppeditatum fuit, secus hodie nûm descenderet, quod non, t. 8. De vi laxandi nil in sacris est. Quod Nu. 21. cibis levissimus dicitur, ratione contemptus est, quomodo Hebrairem vilissimam levem dicunt, à קלה quod vilescere notat: non laxationis, q. vi laxandi fuisset praeditus. Nec pro rei veritate ita manna appellans Israelita, sed iudicii & animi ingrati temeritate.

6. Dicitur ulterius, peculiariter à DEO formatus; quod ab efficiente sumitur, ut ostendatur, non solius natura vi aut naturali modo illum panem generatum, prout hodiernam manna generatur; sed singulari & miraculoso DEI concursu effectum esse. Non merè generaliter DEUS ad hunc panem formandum concurrat, ut ad cetera opera natura solet, qua omnia ab ipso & per ipsum sunt. Rom. 11. v. 36. Sed singulariter & extraordinariè, formando illum mirabili modo, unde emphaticè DEO formatio ejus adscribitur. Exod. 16. v. 15. Sapient. 16. v. 20. Ex materiâ abstrusâ & incognitâ, qua in sacris descripta non est. Nam quod quidam manna ipsum rorem decedentem super castra, Exod. 16. v. 13. fuisse putant, ut Josephus, Greg. Nyssenus, Philo, Toftatus, aliq. contra v. 14. & Nû. 11. v. 9. est, ubi aperiusime à rore simul decedente distingui-

tur. Et contra figuram manna ac saporem, Exod. 16. v. 31.
 Num. 11. v. 7. 8. quæ in rore non ita observantur. Ros supernè
 & infernè manna impositus fuit, ut ejus velut tegamentum,
 vehiculum & lectisternium, quo à sordibus terræ & injuriis
 aëris a. insectorum defenderetur, ut & Rabini ex vetustis tra-
 ditionibus sentiunt: non autem ipsa substantia manna fuit. Mi-
 nisteriales causæ Angeli esse potuerunt, quorum operâ Deus
 in formando isto pane usi potuit. Quomodo hinc quidam pa-
 nem Angelorum dictum putant, 7. sect. 1. c. 3. Ex Figurâ &
 sapore rotundum & dulcissimum dicitur. Exod. 16. v. 14.
 minutum & rotundum dicitur. De minatie ex adjectâ compa-
 ratione pruina patet. De rotunditate ambiguum facit obscura
 vox מַדְּבָנָה, semel in sacris occurrens, & perquam variè red-
 dita interpretibus. Quidam per decoricatum, vulgatus q. pi-
 lulosum, quod decoricatum & folliculus exutum fueris, ac si
 pilosum. molâ cortex iritico auferatur, ut Cor. à Lapid. explicat:
 Quidam per attenuatum, alij per rotundum, ut Lutherus,
 Tremellius, Aben Esra, Pagninus, Piscator, Buxtorff.
 Et verissimum hoc ultimum esse partim cōparatio cum pruinâ,
 quam in granula minuta rotundâq. conglobari scimus; partim
 cum coriandri semine docet, v. 31. & Num: 11. v. 7. quod ro-
 tundum, etsi non album est, quod de Mannâ simèl, tanquam
 novum quid & insolens, adducitur. Coriandri semen nigrum
 est. Et malè LXX. instar albi seminis coriandri vertunt. Cum
 manna coriandro in figurâ & rotunditate componatur, non co-
 lore & albedine.


7. Ex sapore dicitur dulcissimus. Dalcedo Exod. 16. v. 31.
 circumscribitur, quod fueris tanquam lagani seu placenta si-
 milaginea melle illita, si scilicet crudum & in se citra prapa-
 rationem comederetur. Præparatum & in placenta coctum
 saporem placenta oleata habuisse dicitur. Num. 11. v. 8. id est
 instar


instar præstantissimi ex oleo, quod summum esse Physici disputant. Author libri Sapientiæ, omnem ciborum gustum exhibuisse ait, c. 16. v. 20. Quod quidam in ipso manna sapore ponunt, quasi omnis cibi, quem vellent Israelita, sapore continuisset: alij in ejus præparatione agnoscunt, quod quovis modo parari potuerit, ut coqui, assari, frigi, siccare: alij in ipsius substantia mutatione, quasi in ovum, gallinam, mel, saccarum, ad cuiusq; placitum se commutaverit, ut Valentia T. 4. d. 6. q. 3. p. 2. n. 4. Bozsius l. 13. d. not. Eccl. c. ult. Alij aliter. Incerta hæc omnia sunt, incertâ libri Sapientiæ autoritate nixa, & commentis Rabinorum interdum superstructa. Libri Scripturæ Canonici nihil de eo habent, & saporem manna ad certum genus restringunt, non in varietate cuiusq; palati, cibi, aut substantia mutatione, relinquunt. Nec populum desiderium carniū, piscium, aut hortensium ciborum subire potuisset, (quanquam dura cervicis populus esset,) si quemvis saporem aut ipsius substantia mutationem ita facile in mannâ habuisset, ut alibi pluribus disputatur.

8. Ex fine ad ultimum dicitur, in nutrimentum Israelitarum per peregrinationis tempus miraculosè subministratus. Finis manna proximus fuit, ut eo cibarentur & saturarentur Israelita. Exod. 16. v. 12. 15. Psal. 78. v. 24. Remotus, partim, ut obedientiam eorum exploraret Deus, Exod. 16. v. 4. Deut. 8. v. 16. partim, ut gloriam suam manifestaret, Exod. 16. v. 7. quâ se & præsentem illis, v. 10. 11. 12. Deut. 6. v. 7. & benefecisse illis, ac porro benefacturum esse, v. 8. Deut. 8. v. 16. & omnipotenter quovis promisso ac medio hominem conservare posse, testaretur. Deut. 8. v. 3. Sap. 16. v. 26. Ex tempore subministrati Manna per peregrinationis tempus subministratus cibus dicitur. Capit miraculosè à DEO dari manna Anno primo exitus ex Ægypto, men-

se 2. die 16. Exod. 16. v. 1. Mensis ille partim nostro Aprili,
 partim Majori respondet. Diei tempus innuitur matutinum &
 antelucanum, Exod. 16. v. 13. Quibusdam dies illa prima Sab.
 bathi seu dies Dominica existimatur. Duravit subministrari
 40. annis, quibus peregrinatio in deserto duravit. Exod. 16. v.
 35. Judic. 5. v. 15. Si unus mensis dematur, quo ex Ægypto e-
 gressi in desertum Sin venerunt, ubi Manna subministrari cœ-
 pit. Exod. 16. v. 1. Et cibarijs ex Ægypto allatis interim vixe-
 runt. c. 12. v. 34. 38. 39. Conf. Josephum l. 1. antiq. c. 50.
 Desinente farinâ ex Ægypto allatâ DEUS māna subministravit.
 9. Sed, an illo tempore, quo mannâ cibati sunt, etiam
 aliis cibis usi fuerint, ut carnibus, piscibus, fructibus, quæ-
 ritur? R. Salomon & Josephus c. l. Sblo Mannâ cibatos
 faciunt. Et pro pane quidem solum manna habuerunt, alijs pa-
 nis ad manus non fuit. Vnde vice panis manna suppediatur.
 Exod. 16. v. 12. 15. 29. 32. Et panem, vulgarem nempe &
 aliâs usitatum ac vitæ necessarium, per 40. annos non comedisse
 dicuntur. Deut. 29. v. 6. Sed præter manna & carnes in usum
 ciborū adhibuisse coturnices docent, binis mansionibus suppedi-
 tata. Exod. 16. v. 12. 13. Num. 11. v. 31. 32. Accopia pecorum,
 quam ex Ægypto secum duxerunt. Exod. 12. v. 38. Ex quibus
 in escarum usum aliquid interdum absumere nusquam veti-
 tum legimus: & cibus ab Edomitis emere iussus. Deut. 2. v. 6.
 28. & annona, מן, in triduum parari à Josuâ jussa. Jos. 1. v.
 11. Quod de Mannâ facere non licebat, quod singulis diebus
 tantum colligendum erat, (excepto sexto die,) nihil in crasti-
 num reservandum. Exod. 16. v. 19. 21. Et per מן ad iter &
 bellum pertinentia intelligere velle, à significato vocis, quod
 victum ex venatione captum, & interdum omnem cibum no-
 tat, alienum est. Serarius in c. 2. Josuæ p. 2. q. 1. & manna
 hic includi putat, & extraordinariè hoc tempore à putredine

per DEum fuisse servatum, ut & 6. & 7. die Septimana. & in
 arcâ, Hebr. 9. v. 4. servatum per multos annos miraculosè extra
 corruptionem est. Verùm cum Manna ordinariè non duraret,
 & extraordinariè singulariq; miraculo DEum in servando
 illo còcurrisset Iosua non memores, haud omisurus, si & hic nova
 magnòq; miraculo in principio officij novus ille dux inaugura-
 tus esset, quale ad conservandum à putredine requiri ipse Se-
 rar. in c. 5. q. 35. concedit, alios à Mannâ cibos & obsonia cum
 R. Kimchi, Tostato, Masio, & Walthero d. man. §. 92.
 intelligere non est improbabile. Desijt subministrari Manna,
 cum in terram Canaan venissent Israëlita, in Gilgalis castra
 metarentur, & frumentis terra istius vescerentur. Jos. 5. v. 10.
 12. Nempe 16. vel 17. die primi mensis. cum ante 40. annos ex
 Ægypto egressi in terram Canaan possidendam jure intromis-
 si fuerunt. Exod. 12. v. 6. 41. Rabbini quidam in morte Mo-
 sis cessasse dari Manna. & quod ab eo tempore collegerunt, mi-
 raculosè ad esitationem frugum Canaan durasse delirant, ap.
 Serar. in c. 5. Jos. c. 1. Sed nullibi id in sacris scriptum: & mira-
 cula sine causâ fingere vanitati ingenij humani latas senestras
 aperire est, nunquàm feracius luxuriantis, quàm cum fingendis
 miraculis & extraordinarijs casibus præbetur occasio. Ignoto
 DEO aras hoc est. erigere, ut in simili aliquando loquitur
 Mendoza d. 9. Phyl. §. 23. Josephus l. 3. ant. c. 1. adhuc in
 Iudæâ suis temporibus manna istud totâ istâ regione depluisse,
 & penuriam ciborum supplevisse scribit. Sed scriptura in con-
 trarium est, cui tutius creditur, quàm Iosepho. Quidam 17.
 die primi mensis post ingressum Manna cessasse putant, & po-
 stridie Jos. 5. v. 12. non de postridie paschatis, v. 11. Sed secun-
 di diei paschatis intelligunt, ut 16. fuerit secundus paschatus,
 & hujus postridie 17. quo demùm Manna cessavit. Serar.
 §. 1. Cujus rationes ibi vide. Res non est
 magni momenti.





Biblioteka Jagiellońska



stdr0019288

